

Ugovorne strane:

MINISTARSTVO UNUTRAŠNJIH POSLOVA KANTONA SARAJEVO, ulica La Benevolencije broj 16, Sarajevo, koje zastupa ministar Admir Katica (u daljem tekstu: Ugovorni organ) i

TELEMACH BH d.o.o. Sarajevo, ul. Džemala Bijedića 216, 71 000 Sarajevo, ID broj 4200209890007, kojeg zastupa direktor Admir Drinić (u daljem tekstu: Dobavljač)

zaključile su:

UGOVOR

o nabavci usluga korištenja i održavanja kablovske televizije za 2025. godinu za potrebe Ministarstva unutrašnjih poslova Kantona Sarajevo

PREDMET UGOVORA

Član 1.

Predmet ugovora je nabavka usluga korištenja i održavanja kablovske televizije za 2025. godinu za potrebe Ministarstva unutrašnjih poslova Kantona Sarajevo (pretplata za 20 priključaka).

Ugovor se zaključuje na osnovu Odluke o pokretanju postupka nabavke broj 04-1-11-4-468/25 od 20.01.2025. godine kojom je određeno provođenje postupka dodjele ugovora putem direktnog sporazuma i Ponude Dobavljača broj 013/25 od 14.01.2025. godine koja čini sastavni dio ugovora.

VRIJEDNOST UGOVORA

Član 2.

Vrijednost nabavke iz člana 1. ovog Ugovora za 2025. godinu iznosi 2.587,20 KM bez PDV-a (dvijehiljadepetstotinaosmadesetsedam i 20/100 KM).

NAČIN PLAĆANJA

Član 3.

Plaćanje se vrši na osnovu ispostavljenih mjesečnih faktura u iznosu od 215,60 KM bez PDV-a, u roku do 30 dana od dana dostavljanja fakture.

Realizacija će biti praćena na osnovu pojedinačnih faktura u toku 2025. godine.

Član 4.

Za vrijeme privremenog isključenja opreme nastalog zbog tehničkih smetnji u telekomunikacijskoj mreži Dobavljača na koju je priključena pretplatnička oprema ili ako se izvode radovi na rekonstrukciji ili proširenju telekomunikacijske mreže na koju je priključena pretplatnička oprema, mjesečna cijena se umanjuje ukoliko je takvo isključenje trajalo duže od 24 sata neprekidno, proporcionalno trajanju isključenja.

Pružalac usluga, uz prethodnu najavu, može prekinuti distribuciju signala kako bi obavio nužne radove, popravke, održavanja, proširenja ili poboljšanja usluge, što ne predstavlja osnov za umanjene mjesečne cijene.

ROK IZVRŠENJA USLUGE

Član 5.

Implementacija, testiranje i puštanje u rad vrši se u roku od 10 dana od dana obostranog potpisivanja ugovora.

Prilikom priključenja usluga, Ugovornom organu se besplatno ustupa terminalna oprema i daje na korištenje.

Ugovorni organ se obavezuje da će svu opremu koju je dobio na korištenje i koja predstavlja trajno vlasništvo Dobavljača, vratiti odmah po okončanju pretplatničkog odnosa.

Član 6.

Dobavljač garantuje da će osiguravati jednaku kvalitetu i pouzdanost usluga kakvu osigurava svim svojim pretplatnicima, sa kojima ima sklopljen pretplatnički ugovor.

Rok za podnošenje prigovora ili reklamacije je 30 dana računajući od dana nastanka problema s kvalitetom pruženih usluga, odnosno od dana povrede obaveza iz ugovora od strane Dobavljača i 7 dana od dana prijema fakture za pružene usluge.

PRELAZNE I ZAVRŠNE ODREDBE

Član 7.

Ukoliko poslije zauključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti, bolest i slično.

Strana u ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 8.

Ugovorne strane su saglasne da će sve eventualno nastale sporove pri realizaciji ovog ugovora, rješavati sporazumno, a u slučaju da se ne riješe sporazumno, utvrđuje se nadležnost suda u Sarajevu.

Član 9.

Ovaj Ugovor stupa na snagu danom potpisa ovlaštenih predstavnika obje Ugovorne strane, primjenjuje se u 2025. godini, a traje do realizacije ugovorene vrijednosti, a najskanije do 31.12.2025. godine.

Član 10.

Ovaj ugovor je sačinjen u četiri istovjetna primjerka, od kojih po dva zadržava svaka ugovorna.

DOBAVLJAČ
TELEMACH BH d.o.o. Sarajevo
Sarajevo

direktor, Admir Drinić

Broj: _____
Dana: 24-01-2025

UGOVORNI ORGAN
Ministarstvo unutrašnjih poslova
Kantona Sarajevo

ministar, Admir Katica

Broj: 04-I-11-4-468-1/25
Dana: 24.01.2025. godine